



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-1424/23
Vogošća, 12.10.2023. godine

Na osnovu člana 70. i člana 111. stav 13. Zakona o javnim nabavkama BiH ("Službeni glasnik BiH" broj: 39/14 i 59/22), Rješenja Ureda za razmatranje žalbi BiH-Filijala Mostar broj: JN2-03-07-1-2403-8/23 od 05.10.2023. godine i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15 i 9/20), Općinski načelnik dana 12.10.2023. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA
VODOSNABDIJEVANJU GORNJIH ZONA NASELJA KRIVOGLAVCI I SVRAKE-II FAZA
(IZGRADNJA PUMPNE STANICE "KRIVOGLAVCI I" I PUMPNE STANICE
"KRIVOGLAVCI II")**

Član 1.

Ponuda ponuđača "Unioninvest" d.d. Sarajevo, ulica Grbavička broj 4. Sarajevo, odabrana je za izvođenje radova na vodosnabdijevanju gornjih zona naselja Krivoglavci i Svrake-II faza (izgradnja pumpne stanice "Krivoglavci I" i pumpne stanice "Krivoglavci II"), kao prvoplasirana na Rang listi, sa ponuđenom ukupnom cijenom nabavke u iznosu od 610.000,00 KM bez uračunatog PDV-a, odnosno 713.700,00 KM sa uračunatim PDV-om.

Član 2.

Ovom Odlukom stavlja se van snage Odluka o izboru najpovoljnijeg ponuđača za izvođenje radova na vodosnabdijevanju gornjih zona naselja Krivoglavci i Svrake-II faza (izgradnja pumpne stanice "Krivoglavci I" i pumpne stanice "Krivoglavci II") broj: 07-11-1424/23 od 22.08.2023. godine.

Član 3.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 18.07.2023. godine donio Odluku o pokretanju Otvorenog postupka nabavke radova na vodosnabdijevanju gornjih zona naselja Krivoglavci i Svrake-II faza (izgradnja pumpne stanice "Krivoglavci I" i pumpne stanice "Krivoglavci II"), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 20.07.2023. godine pod brojem: 1353-1-3-157-3-139/23.

Sažetak Obavještenja o nabavci objavljen je u "Službenom glasniku BiH" broj: 52/23 od 28.07.2023. godine.

Nakon provedene Zakonom propisane procedure, dana 22.08.2023. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-1424/23,

kojom je kao jedinu formalno-pravno prihvatljivu ponudu odabrala ponudu ponuđača "Mibral" d.o.o. Sarajevo, sa ponuđenom ukupnom cijenom nabavke u iznosu od 686.792,49 KM bez uračunatog PDV-a, odnosno 803.547,21 KM sa uračunatim PDV-om.

Na predmetnu Odluku izjavljena je žalba od strane ponuđača "Unioninvest" d.d. Sarajevo dana 30.08.2023. godine.

Ured za razmatranje žalbi BiH-Filijala Mostar, rješavajući po žalbi Žalitelja "Unioninvest" d.d. Sarajevo je dana 05.10.2023. godine donio Rješenje broj: JN2-03-07-1-2403-8/23, kojim se usvaja žalba Žalitelja "Unioninvest" d.d. Sarajevo i poništava Odluku o izboru najpovoljnijeg ponuđača broj: 07-11-1424/23 od 22.08.2023. godine, te predmet vraća ugovornom organu na ponovni postupak.

U obrazloženju osnovanosti žalbe URŽ BiH-Filijala Mostar u svom Rješenju broj: JN2-03-07-1-2403-8/23 od 05.10.2023. godine (strana 6-7 Rješenja) navodi sljedeće:

"S tim u vezi, ovaj organ ističe da je nesporno utvrđeno da je žalitelj za svaku stavku u ponudi naveo cijenu. Žalitelj je popunio svaku pojedinačnu stavku i za nju iskazao cijenu, čime je postupio u skladu s navedenim zahtjevom iz napomene Obrasca za cijenu ponude. Takođe je naveo ukupnu cijenu svake stavke, te rekapitulaciju za sve tražene radove, i na kraju ukupnu cijenu ponude. Činjenica da je žalitelj na stranici 44. propustio upisati ukupnu cijenu pripremnih radova, koja se dobija matematičkom operacijom sabiranja iskazane cijene za 6 navedenih stavki, a koja je nesporno navedena u rekapitulaciji radova na stranici 48., ovaj organ smatra formalnim nedostatkom koji bitno ne odstupi od uslova propisanih tenderskom dokumentacijom i koji nije u suprotnosti sa odredbama Zakona o javnim nabavkama i Uputstva za pripremu modela tenderske dokumentacije i ponuda. Navedeni propust se ne može smatrati suprotnim ni napomeni u tački 1 Obrasca za cijenu ponude, kojom je navedeno da ni jedno polje u tabeli ne smije ostati prazno u smislu iskazivanja cijene. Kako je žalitelj cijenu za svaku pojedinačnu stavku iskazao on je time popunio svako polje. To što je propustio sabrati 6 stavki iz tabele Pripremni radovi, a što je na drugom mjestu u ponudi učinio i sabrao te upisao u rekapitulaciju na strani 48., ne predstavlja razlog za odbacivanje ponude, jer se nesporno može utvrditi cijena za svaku pojedinačnu stavku ukupna cijena svih stavki, rekapitulacija svih radova i ukupna cijena ponude.

Zbog svega navedenog, ovaj organ navod žalitelja da ugovorni organ nije pravilno postupio kada je ponudu žalitelja ocijenio neprihvatljivom, cijeni **osnovanim**".

Na osnovu iznesenog, a uz uvažavanje argumenata iz Rješenja Ureda za razmatranje žalbi BiH-Filijala Mostar broj: JN2-03-07-1-2403-8/23 od 05.10.2023. godine Komisija za javne nabavke je utvrdila da Ponuda ponuđača "Unioninvest" d.d. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Dakle, uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Unioninvest" d.d. Sarajevo i

- "Mibral" d.o.o. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija

se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 11.10.2023. godine u 13:45 sati.


Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 11.10.2023. godine, Komisija za javne nabavke je sačinila sljedeću Rang listu u Otvorenom postupku nabavke radova na vodosnabdijevanju gornjih zona naselja Krivoglavci i Svrake-II faza (izgradnja pumpne stanice "Krivoglavci I" i pumpne stanice "Krivoglavci II") kako slijedi:

| R.B. | NAZIV PONUĐAČA | UKUPNA CIJENA (KM) bez PDV-a | UKUPNA CIJENA (KM) sa PDV-om |
|------|-----------------------------|------------------------------|------------------------------|
| 1 | "Unioninvest" d.d. Sarajevo | 610.000,00 | 713.700,00 |
| 2 | "Mibral" d.o.o. Sarajevo | 613.500,00 | 717.795,00 |


Iz navedenih razloga, uz uvažavanje argumenata iz Rješenja Ureda za razmatranje žalbi BiH-Filijala Mostar broj: JN2-03-07-1-2403-8/23 od 05.10.2023. godine, a primjenom člana 64. stav 1. tačka b) i člana 111. stav 13. Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Unioninvest" d.d. Sarajevo, za izvođenje radova na vodosnabdijevanju gornjih zona naselja Krivoglavci i Svrake-II faza (izgradnja pumpne stanice "Krivoglavci I" i pumpne stanice "Krivoglavci II"), kao prvoplasiranom na Rang listi, sa ponuđenom ukupnom cijenom nabavke u iznosu od 610.000,00 KM bez uračunatog PDV-a, odnosno 713.700,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





Dostavljeno:

1. "Unioninvest" d.d. Sarajevo
2. "Mibral" d.o.o. Sarajevo
3. Nadležnoj Službi
4. U dosije
5. a/a

sanja.saf@unioninvest.net
info@mibral.ba